
ҲОКИМЛАРНИНГ ҚАРОРИНИ ЖАМОАТЧИЛИК “Е-QAROR” ТИЗИМИ ОРҚАЛИ БЕМАЛОЛ КУЗАТИШИ МУМКИН

Фарғона вилояти ҳокимлигида онлайн тарзда “Е-qaror” электрон тизимини вилоят, шаҳар ва туманлар ҳокимликларида жорий этиш бўйича амалга ошириладиган ишлар муҳокамасига бағишланган йиғилиш бўлиб ўтди. Унда вилоят ҳокимлиги ҳамда тегишли ташкилот ва бошқармалар вакиллари қатнашдилар.

Ўзбекистон Республикаси Адлия вазирлиги ходимлари иштирокида ўтган мулоқотда маҳаллий ижро этувчи ҳокимият органлари томонидан қабул қилинадиган қарорларни ишлаб чиқиш, келишиш ва рўйхатдан ўтказишнинг ягона электрон тизимини жорий этиш чора-тадбирлари тўғрисида сўз борди.

Чунки, ушбу электрон тизимда ҳокимларни қарорлари электрон рақамли имзо билан “Е-qaror” электрон тизими орқали қабул қилинади.

Янги дастурнинг устунлик томони шундаки, чиқарилаётган қарорни жамоатчилик “Е-qaror” тизими орқали бемалол кузатиши мумкин. Электрон тизим барча маҳаллий давлат ҳокимияти органларида жорий этилади.

Бу уларнинг фаолияти ва иш юритуви шаффофлашишига, фуқароларнинг конституциявий ҳуқуқ ва эркинликлари поймол бўлишининг олди олинишига хизмат қилади.

Шу боис, тадбирда Фарғона вилоятида ҳам “Е-qaror” электрон тизимини жорий этиш масалалари мутахассислар томонидан атрофлича тушунтирилди. Якунда даҳлдор ташкилотлар иштирокида олдинда турган вазифалар келишиб олинди.

Бизни ижтимоий тармоқларда кузатинг [Facebook](#),
2021-05-22 13:02:44